

近代中國史料叢刊第八十五輯

沈雲龍主編

皇朝經世文編續編

兵

政

盛

康

輯

(地利·塞防·海防·臺防·蠻防)

文海出版社有限公司印行

近代中國史料叢刊第八十五輯

沈雲龍主編

皇朝經世文編續編

(別冊)

政盛康輯

文海出版社有限公司印行

近代中國史料叢刊第八十五輯

沈雲龍主編

皇朝經世文編續編

刑

政

盛

康輯

(刑論·律例·治獄)

文海出版社有限公司印行

近代中國史料叢刊第八十五輯

沈雲龍主編

皇朝經世文編續編上

(清末·河防)

政盛康輯

文海出版社有限公司印行

近代中國史料叢刊第八十五輯

沈雲龍主編

皇朝經世文編續編

工

政

盛

康輯

(河防·直隸河工·運河·水利通論·直隸水利)

文海出版社有限公司印行

近代中國史料叢刊第八十五輯

沈雲龍主編

皇朝經世文編續編

工

政

盛

康

輯

(江南水利·各省水利·海塘)

文海出版社有限公司印行

中華民國六十九年九月出版

近代中國史料叢刊續編

第八十五輯

精裝：十冊

定價：新台幣

主編者：沈

雲

龍

發行人：李

振

華

台北縣永和鎮中興街99巷8號

出版者：文海出版社有限公司

郵政劃撥戶第二七八四號

電話：九二一二六五九號  
三四一六九二八號

印刷者：東南印製廠有限公司

台北市西園路294巷15弄17號

經銷者：全省各大書局

行政院新聞局出版事業登記證局版台業字第〇四四九號



皇朝經世文續編卷八十六目錄

兵政十二 地利上

前四時論二十 形勢

大清一統輿圖序

大清一統輿圖後跋

郡國方輿通釋序

書方輿紀要後

長江圖說

關中形勢論

佳陽疆域志敘

郴州論

吳 鉉

汪士鐸

汪士鐸

謝應芝

謝應芝

馬徵麟

魏 源

王闓運

黃仲騏



永州論

黃仲騏

跋楊忠武行狀

汪士鐸

時務策一二三

尹耕雲

湖北水陸形勢預籌防堵疏

王茂蔭

論長江形勢請急圖九江疏

王茂蔭

請飭重臣分駐江北要害疏

陳慶鏞

暫設皖南巡撫議

楊沂孫

請暫設皖南巡撫疏

沈兆霖

議覆江南北分省片

曾國藩

議覆安徽省城應仍建安慶疏

曾國藩

請添設徐州四界重鎮疏

潘祖蔭

與駱顛門中丞書

陳慶鏞

復陸稼堂中丞書

陳慶鏞

與呂侍郎書

陳世鎔

與倪遵舫書

陳世鎔

與張小浦副憲書

陳世鎔

上浙江巡撫黃壽臣書

周騰虎

與王璞山書

曾國藩

與曾節帥論東南戰守形勢書

羅澤南

與曾節帥論分援江西機宜書

羅澤南

與曾節帥論進攻湖口利病書

羅澤南

致顛門宮保書

劉蓉

籌復湖州議

陸心源

宣懷編次

江陰繆荃孫校勘  
陽湖汪

皇朝經世文編編卷八十六

兵政十二 地利上

武進盛 康祖人輯

前因時論二十 形勢

吳 鋈

吾觀天下形勢之要有二。曰戰。曰守。直隸北以遼東爲關鍵。西以大同爲樞紐。南以大名爲門戶。三者足以扼天下之咽喉。而制其命。湖北以襄陽爲門戶。襄陽失則湖北不可以守。然論天下之勢。則以荊州爲重。以襄陽爲守。不若以荊州爲戰。至武昌則又南扼乎江淮之險。河南南以開封爲門戶。北以鄴爲門戶。而洛陽居其中。皆四達之區。戰則足以爭天下之勢。守則三分五裂而無如何。此利於戰者也。四川天險之國。財粟又足以資之。然其勢能入而不能出。非得陝西不能據西北之上流。非得

兩湖不能據東南之上流故宜於守江南據三江之險爲財賦之所自出然與其防江不如防淮防江不足以制上流之侵軼防淮則以徐州壽州爲重鎮狹而易固此利於守者也陝西以散函爲門戶據西北之上流若得四川漢中則又據東南之上流進可以與中原爭退可以扼其險而守之此利於戰與守者也要之天下之形勢非戰則不能守非守亦不能戰如是而已吾觀諸史所載兵事必因歷代形勢攷其沿革然後知其險易之異形攻守之異量進退之異變瞭然可以錐指而得則形勢之所在又有賴於沿革焉夫形勢之險易固無不勝之道亦無不勝之術守成跡則同事而異功構新法則異事而同過緩則勢已大而難復急則勢未合而難分故勢在人則以用奇破之

勢在已則以用堅持之百變而動中其會一成而不滯於用是  
又則遁形勢者之自知也已。



大清一統輿圖序

代嚴中丞

汪士鐸

昔周公誕保成王。迺作周官。致太平而司徒職方。咸掌天下之圖。以周知九服之利害。漢時將相大臣。若蕭何趙充國。平當延年之徒。皆以地圖治軍防邊。行水。唐賈耽李吉甫父子之著書。籌邊亦以圖。蓋輔翼承平。龜定暴亂者。皆宜先知阨塞之要也。明人惟朱思本圖爲唐順之等所不及。然世不多見。至我

仁皇帝天縱聖神。乃復晉裴氏所言繪圖之法。故康熙中二圖上系天度。豪髮合符。純皇帝耆定西域。回疆青海金

川。蕪衛拓土三萬里。命疇人挈儀器測斗極。考月食。審正黃道。經緯度分。以盡中外封域。廣輪曲折之數。睿皇帝續修

會典。又益以內外喀爾喀蒙古百餘游牧。及科布多唐努山烏



梁海阿拉善額濟納諸部落於是宙合之內高山廣水之所盤  
紆而輪寫郡邑斥堠之所星羅而辰共此界彼域之所孤邪而  
離絕莫不可坐知其邊際之弧直猗詘可不謂盛歟是故東自  
棘藜肅慎以南西南盡六詔二垂際海西梁瀾滄苞邛崃青衣  
循黨項吐谷渾之墟踰瓜沙渡居延梯合黎北河高闕歷元魏  
六鎮以會於龍城之陽山陵之所以奠宸極之所以尊風  
化之所以端貢賦之所以出東三省外爲省十八條爲府縣盡  
爲井里此列聖旁召賢俊庠序旰風雨以安定之者  
也。昔禹績必思崇儒術勤吏治以覆育之自唐三受降城以  
東南衛邊門東湊松花江北緣大漠爲內蒙古六盟其外涉瀚  
海阻興安東濱黑龍江西越阿爾泰山爲外蒙古車臣等四部

屏翰之蔽。所以寵之。甥舅之聯。所以威之。皮服上駟之貢。所以恤之。此列聖所以勤攻。同申昏姻。而撫字之者也。無有遠邇。悉供臂指。必思因其俗。布其教。以懷柔之。自玉門陽關。以西。階天山。躋星宿。陟昆侖。橋伊麗。爲漢屯田車師。烏孫之壤。北爲鐵勒。南爲于闐。皮山。蔥嶺。又南爲吐蕃。定爲將軍都統。參贊諸大臣治所。此列聖簡將。率厲威武。以撥鉏。墾爲沃塹者也。要荒蕃鎮。詘膝款塞。必思養之。教之。威之。信之。自是以來。東爲朝鮮。日本。琉球。北爲俄羅斯。西爲霍罕。布魯特。南爲暹羅。南掌。廓爾喀。緬甸。越南。諸屬國。正朔所頒。其球所會。又其外則卜哈爾。回回。土爾其。意大里亞。及圖所未載之五印度。瑞連英法荷美等。重譯貢市之國。皆列聖不泄。邇忘遠而綏來。

之者也。管子有云：飛蓬在所不賓，燕雀在所不顧，惟籍之典，屬委之舌人。來者撫摩，去者保護，德足浹之，約足羈之而已。於鏖乎禮有之曰：天之所覆，地之所載，凡有血氣，莫不尊親。今之謂矣。召康公之頌成王也，以謂土宇旼章，誠孔厚矣。然必繼以彌性，申以孝德，期以多吉，士多吉，人蓋惟修身任賢，乃足以康。又億兆讐慄，水陸也。故樹森之刊，斯圖旼以昭。聖代車書大同之盛，亦將以詒開濟之才，俾其守邊治河，使絕域興水利者，皆有所考也。

大清一統輿圖後跋

代嚴中丞

汪士鐸

益陽胡文忠公兼資文武深嗜輿地之學嘗病李申耆輿圖僅志郡邑無它地名且紙狹不復容增注乃取本朝康熙乾隆中內府所頒圖經新化鄒子翼世詒上舍晏圭齋啟鎮處士鈎稽考覈以成一編羣摩厯歲甫成定本而文忠已薨余奉恩命自豫燕移節是邦追維疇昔知己之雅大懼隕越以失規隨之誼商之相國官公以亟成公志又以斯圖成於江甯汪梅村士鐸孝廉復使檢志乘之精核者凡府縣之改易大河之移徙驛站之遠邇修明審定上準禹貢昆侖析支渠搜之言坳載屬國以昭我國家疆域之廣列聖聲教之訖而文忠經緯天地嘉與後學之惠亦於是乎遂矣圖既成故復紀其體

例之指曰凡爲國北上而南下尊京師也京師爲辰極萬國所  
會歸也準之皇極而莫爲中由是而分徧東西由是而判南北  
上揆經度紀以虛線經度者聯兩極而勻分三百六十者也中  
南北者爲赤道則經度之近極者斂而近赤道者侈自赤道而  
南北各勻分百八十爲緯度其距緯之圈皆平等測以地平二  
百里一度則緯度確而經度有贏縮之殊不能計道里故復計  
里數方方皆百里以求其密雖屬虛空鳥道而人跡經行之數  
亦不甚徑庭矣其南北里差以測北極出地高度而得中國在  
赤道北也其東西以測月食加時而得以交道之移先後也凡  
域中自外與安瀆北極出地六十一度廣東崖州北極出地十  
八度南北相距四十四度東至費雅喀所居大洲偏東三十一

度西至喀什噶爾所屬什克南部偏西四十六度東西相距七十八度則南北八千八百里東西萬有七百里斜曲則難算計矣域外華離昧任傳聞踏駁概從簡略亦區畫中外之理也今定南北四百里爲一卷卷容二緯度自北而南上下相屬共三十一卷東南北皆際海西際地中海大一統也其稱名斷自同治二年爲省十八省作回朝鮮請之道爲府百八十三府作口朝鮮亦謂之府中外各和屯亦如之爲直隸廳十八作令散廳八十一作令直隸州六十七作回散州百四十六作口縣千二百八十六作口朝鮮之州縣同焉土州二十三作土縣三作將軍都統參贊領隊辦事大臣所駐之城作口朝鮮之郡同焉驛作△城守尉以下所駐堡鎮作卡倫作×鄂博營屯作

四西藏六寺猶之坂也。作會自行省外曰盛京吉林黑龍江爲東三省。自外各蒙古回衛拉特哈薩克土司喇嘛雖納貢賦屬主客而紀載從略。又外若日本諸國豈里不能翔實者亦圖其梗概。其四裔自漢語外雜用國語蒙古語托忒語唐古特語俄羅斯語春秋公羊家所謂名從主人也。而其大略則必拉河也。色禽河源也。鄂謨大湖泊亦湖也。阿林山也。達巴漢嶺也。噶爾拜商堡也。和屯城也。昭廟也。哈刺省城也。珠克特亭廟也。城也多罕橋也。戈壁大漠也。林木窩集也。曰柏興曰斯科若中國之言郡邑也。

附凡例

一聖賢之學旨在致知。輿地之益不外考古。欽惟經筵侍

讀如尚書之禹貢春秋之三傳以及通鑑史傳之倫但有注以今地之書如方輿紀要之類即可按圖考索講惟啟沃或有土壤綱流之裨

一儒者立朝必期實用如會通一河實漕輓之至要異時三楚吳越饋餉之所必由自江湖淮自淮入河以抵通州設開疏泉節節啟閉其詳見於陸燿山東運河備考今記梗略以詒後賢

一自咸豐五年銅瓦廂之決河復北流由大清河入海四方多故未遑修築隄防然濁流遷變無常曹考豐沛以東爲明昌以來故道今仍存之以備考覈

一史起鄭國往濮留芳歐公唐志備載浚鑿然西北土厚水



深岸易傾。記故水利徒託空談。至冀豫二州。則沙土疏惡。隨濬隨湮。水反有害而無利。然乾隆中。方觀承督直隸。鄂容安。胡寶瑛。探像疏洩橫潦。以除水害。皆先講求各河支幹原委。以爲施工次第。今凡小港細流。縷析繪入。以爲盡力溝洫之助。

一 口外軍臺驛站郵政之所先也。今自西北兩路。延袤萬里。以及腹內行省驛遞。鱗次遠近。畢書肅置驛者。必有取焉。

一 王源有言。名將必知地利。而後可以行師。故戰守之規。必明形勢。顧險要之設。隨事有宜。非今古之殊形。乃前後之異勢。昔李絳。李德裕。規畫河北。西川。有如指掌。非胸羅宙合。烏能控制得宜哉。

一內外蒙古皆元後裔。開國之初，首先歸附。錫土疏爵，位冠通侯。其球之會，恭順惟謹。此周秦漢唐所未有也。誌其游牧各旗，以見懷柔之遠，而四衛拉特之在西域青海者，亦悉載焉。

一新疆衛藏爲

純皇帝著定綏輯之邦，土沃泉甘，比

於內地。戴德百年，風俗龐厚。今列其城郭，條其山川，撫御得人，必能改鎮爲州，可富可教，永沐昇平之化也。

一土司始於元明，叛服不常。著在前史。雍正乾隆以來，蹈德誅仁，改土歸流者，悉爲郡邑。其餘苗、獠、蠻、犍、罔、弗、蠻、僮，今取嚴如煜三省邊防苗防諸書，誌其方域，比於徽、盧、彭、濮。一自列聖休養，覆育戶口繁滋，物產所生，墜敷民食。

前哲屢言興中開平可以屯田。本朝如富俊之於雙城堡林則徐之於新疆皆開荒興屯著有成效可知北地雖苦沙磧而川流所鍾皆滋灌溉按圖推類富庶可臻。

一圖爲鳥道徑直之數行旅馳驅紆曲盤旋道里迥別然準以方斜之算則所較不多試取堅木以寸五分爲矩矩作十分則一分卽爲十里皇華星使任指津塗縱橫量之足得大略。

一輿地之學先重準望唐宋之圖傳世絕少明人朱思本圖號爲致密然世亦罕覩地圖綜要總圖世云藍本於彼顧畫方旣狹位置卽易乖方今依布帛尺以一寸五分爲一方方爲百里庶幾準望不誤。

一自康熙乾隆兩朝。內府與圖外推近人李兆洛之圖爲最確。然僅記府廳州縣之名。而關塞要害諸小名。皆在所略。閱者不免茫然。今自山川城邑。以及險阨堡鎮。巨細畢登。以便討論。

一李氏圖。屢北至外喀爾喀。東至朝鮮。西至新疆。後藏阿里而止。今此圖北抵俄羅斯北海。東至日本琉球。西至泰西人所云地中海。南至越南。琛賚所萃。盡日出入戎索方名。靡不具列。所以見聲教之覃。漸被之廣也。

一地球圖。圖同天體。亦分三百六十度。中國自赤道北十八里始。每二百里爲一緯度。今以北極出地度數。旁記於圖之右方。而赤道經度。北狹南寬。卽以虛線記於圖之上。

五身卷十三 卷之三十五正

方以便稽考藝文。內府與圖定式也。

一顧祖禹自論其書曰。按之圖。盡窮之典籍。亦舉一而廢百。爾又言了了於胸中。而身至其地。反憤憤焉。則見聞與傳聞異詞者。之不可勝數也。顧氏之書。考鏡精密。而其自言。顧乃若是。則是圖之漏略與疎舛。其不免更可知矣。惟是希賢有方。終磨始琢。經世之業。先知後行。要以斯為權輿。而非以斯為究竟而已。

郡國方輿通釋序

謝應芝

竄昔禹貢九州敷土而幽并營統於冀青故爲牧十有二而爲州者九殷周以來爾雅職方所載或并或離秦置四十四郡漢衰而爲三國晉亂天下蠶分南北自後分合不常歷唐宋迄元西北之壤獨闢明興元裔歸北復號蒙古而朝鮮實古嶠夷周初以封箕子燕滿有此遂不隸中國交趾實南交漢之中葉流於異域明營置省而不能有古九州皆以高山大川爲界秦郡始犬牙相臨唐十道之制如古然畫分險阻則易爲守不患外寇而患在割據疆壤交錯以相牽制則強臣不能自擅又難守而易潰伏維我朝天下統一四海大同京師直隸勢居上游自冀幽而東兗青爲山東省西南并豫爲山西河南省又南徐揚

爲江蘇安徽江西及浙江福建廣東廣西省自揚而西荆梁爲  
湖南湖北四川雲南貴州自梁而北雍爲陝西甘肅省又自  
冀幽營轉而北爲盛京吉林黑龍江自雍西南崑崙析支渠搜  
爲伊犁青海西藏自冀雍而北爲內外蒙古凡布政司治十有  
八將軍治四辦事大臣治二蒙古十有三而都統參贊副將軍  
治在焉京師直隸盛京北跨長城居天下之首沿邊而西山西  
陝甘爲肩背山東濱海而漕渠下通江淮爲咽喉河南兩湖江  
西爲腹脅江浙福建四川兩廣雲貴爲四肢吉林黑龍江蒙古  
伊犁青海西藏爲身之外衛昔舜北發息慎南撫交趾而黑龍  
江直出息慎東北數千里蒙古又延袤於西北數千里越南卽  
交趾南與廣中瓊州相值計東西一萬一千五百里南北八千

六百里疆宇超邁前古。有如此東南。皆距海。西至五印度。北至俄羅斯。則故元嘗闢其土。而未歸中國者也。大地周九萬里。中國得其四分之一。又西有湖。盡於海。廣袤如中國。同在地之東半。跨海而西。又有洲在地之西半。繞出東海。西人之言四大洲。其名不雅馴。而地球面背之說。則非誣妄也。綴取海國。並載簡末。見聲教之四訖云。



--	--	--